



## DATAS ABAU 2023

### ↳ Ordinaria

6, 7 e 8 de xuño

### Extraordinaria

11, 12 e 13 de xullo

## 1. MATERIAS OBJETO DE AVALIACIÓN.

### Parte Obrigatoria:

Parte obrigatoria da ABAU			
Materias xerais do bloque de materias troncais			
– Historia de España II – Lingua Castelá e Literatura II – Primeira Lingua Estranxeira II – Lingua Galega e Literatura II			
Materias xerais do bloque de materias troncais segundo a modalidade ou o itinerario			
Artes	Ciencias	Humanidades e Ciencias Sociais	
		Ciencias Sociais	Humanidades
– Fundamentos da Arte II	– Matemáticas II	– Matemáticas Aplicadas ás Ciencias Sociais II	– Latín II

Cualificación parte obrigatoria: 0-10 puntos con dúas cifras decimais.

### Parte voluntaria:

O alumnado que queira mellorar a súa cualificación de admisión poderá examinarse dun **máximo de catro materias**, que elixirá entre as materias de opción do bloque de troncais de segundo curso de calquera modalidade e as materias xerais troncais específicas de modalidade distintas daquela da que se examinen na parte obrigatoria da proba. Así mesmo, os estudantes poderán examinarse dunha das opcións lingüísticas (alemán, francés, inglés, italiano ou portugués) da Segunda Lingua Estranxeira II distinta da que cursasen como materia xeral do bloque de materias troncais.

*RESOLUCIÓN do 13 de febreiro de 2023, conxunta da Secretaría Xeral de Universidades e da Dirección Xeral de Ordenación e Innovación Educativa, pola que se ditan instrucións para a realización, dentro do curso 2022/23, da avaliación de bacharelato para o acceso á universidade (ABAU) para o curso 2023/24.*

Parte voluntaria		
Materias troncais de opción (cursadas ou non cursadas)		Materias xerais troncais de modalidade (agás a da modalidade cursada)
- Artes Escénicas	- Grego II	- Fundamentos da Arte II
- Bioloxía	- Historia da Arte	- Latín II
- Cultura Audiovisual II	- Historia da Filosofía	- Matemáticas II
- Debuxo Técnico II	- Química	- Matemáticas Aplicadas ás
- Deseño	- Xeoloxía	- Ciencias Sociais II
- Economía da Empresa	- Xeografía	
- Física	- Segunda Lingua Estranxeira II	

Cualificación parte voluntaria 0-10 puntos con dúas cifras decimais. Considérase materia superada con calificación igual ou superior a 5.

Para a mellora da nota de admisión, terase tamén en consideración a cualificación obtida na parte obrigatoria na materia xeral específica de cada modalidade do bloque das materias troncais (Matemáticas II, Latín II, Matemáticas Aplicadas ás Ciencias Sociais II e Fundamentos da Arte II), sempre e cando a cualificación acadada na materia correspondente sexa igual ou superior a 5 puntos.

## 2. CARACTERÍSTICAS E DESEÑO DAS PROBAS:

**Duración: 90 minutos.** Establecerase un descanso entre probas consecutivas de, como mínimo, 30 minutos. Non se computará como período de descanso o utilizado para ampliar o tempo de realización das probas dos alumnos con necesidades específicas de apoio educativo aos que se lles prescribise esta medida.

- Unha proba por cada materia obxecto de avaliación.
- En cada unha das probas o alumnado disporá dunha única proposta de exame con varias preguntas.  
A alumna ou o alumno terá que responder, á súa escolla, a un número de preguntas determinado previamente. O citado número de preguntas fixarase de forma que permita a todo o alumnado alcanzar a máxima puntuación na proba. Para realizar o número máximo de preguntas fixado, todas as preguntas deberán ser susceptibles de seren elixidas.
- Cada unha das probas conterá preguntas abertas e semiabertas que requirirán do alumnado capacidade de pensamento crítico, reflexión e madurez. Ademais destes tipos de preguntas, poderanse utilizar tamén preguntas de opción múltiple, sempre que en cada unha das probas a puntuación asignada ao total de preguntas abertas e semiabertas alcance como mínimo o 50 %.

- Tipoloxía de preguntas:
  - De opción múltiple: preguntas cunha soa resposta correcta inequívoca e que non exixen construción por parte do alumno ou da alumna, xa que este/a se limitará a elixir unha de entre as opcións propostas.
  - Semiabertas: preguntas con resposta correcta inequívoca e que exixen construción por parte do alumno ou da alumna. Esta construción será breve, por exemplo un número que dea resposta a un problema matemático, ou unha palabra que complete unha frase ou dea resposta a unha cuestión sempre que non se facilite unha lista de posibles respostas.
  - Abertas: preguntas que exixen construción por parte do alumno ou da alumna e que non teñen unha soa resposta correcta inequívoca. Englóbanse neste tipo as producións escritas e as composicións plásticas.

### 3- ALUMNADO CON NECESIDADES ESPECÍFICAS DE APOIO EDUCATIVO.

Poderanse adoptar medidas como adaptación de tempos, elaboración de modelos especiais de exame, posta á disposición do alumnado dos medios materiais e humanos, asistencias, apoios e axudas técnicas que precise para a realización da proba, así como a garantía de accesibilidade á información e comunicación dos procesos e do recinto ou espazo físico onde esta se desenvolva.

### 4-MATRÍCULA PARA A REALIACIÓN DA ABAU.

- Os estudantes formalizarán a matrícula nas datas que determine a CiUG.
- O alumnado entregará a solicitude na secretaría do centro onde curse estudos. No caso de estudantes que obtivesen o título de Bacharelato ou equivalente en convocatorias anteriores, presentarán a solicitude no lugar de entrega e recollida de información (LERD) que corresponda ou mediante procedemento telemático que estableza a CiUG.
- O estudantado indicará na súa solicitude os datos persoais e as materias elixidas para a realización das probas.
- Pago das taxas correspondentes.

---

Máis información:

[CiUG referencias legais.](#)

[Resolución do 13/02/2023 pola que se ditan instrucións para a realización da ABAU 2023](#)

*Se tes alguna dúbida, consulta co Departamento de Orientación do centro.*

*RESOLUCIÓN do 13 de febreiro de 2023, conxunta da Secretaría Xeral de Universidades e da Dirección Xeral de Ordenación e Innovación Educativa, pola que se ditan instrucións para a realización, dentro do curso 2022/23, da avaliación de bacharelato para o acceso á universidade (ABAU) para o curso 2023/24.*